



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՇԻՐԱԿԻ ՄԱՐԶ
ԳՅՈՒՄՐԻ ՀԱՄԱՅՆՔԻ ՂԵԿԱՎԱՐ**

3104, Գյումրի, Վարդանանց հրապարակ 1
Հեռ. (+374 312) 2-22-00; Ֆաքս (+374 312) 3-26-06
Էլ. փոստ gyumri@gyumri.am

Կ Ա Ր Գ Ա Դ Ր ՈՒ Թ Յ ՈՒ Ն

« 01 » հուլիսի 2016 թվականի N 15-Ա

**«ԳՅՈՒՄՐՈՒ ՔԱՂԱՔԱՅԻՆ ՃԱՆԱՊԱՐՀՆԵՐ» ԾՐԱԳՐԻ ԻՐԱԿԱՆԱՑՄԱՆ ՆՊԱՏԱԿՈՎ
ԱՇԽԱՏԱՆՔԱՅԻՆ ԽՈՒՄՐ ԱՏԵՂԾԵԼՈՒ ՄԱՍԻՆ
(փոփ. կարարվել է 13.08.2018թ. N 23-Ա կարգադրությամբ)**


Ղեկավարվելով «Տեղական ինքնակառավարման մասին» Հայաստանի Հանրապետության օրենքի 32-րդ հոդվածի 1-ին մասի 17-րդ կետով և հիմք ընդունելով Վերակառուցման և Զարգացման Եվրոպական Բանկի և Գյումրու համայնքապետարանի միջև 2016 թվականի մայիսի 11-ին ստորագրված «Գյումրու քաղաքային ճանապարհներ» ծրագրի (այսուհետ՝ Ծրագիր) համաձայնագրի 2.03.-րդ բաժնի դրույթները՝

Կ Ա Ր Գ Ա Դ Ր ՈՒ Մ Ե Մ .

1. Վերակառուցման և Զարգացման Եվրոպական Բանկի վարկային ու դրամաշնորհային միջոցների հաշվին Գյումրի քաղաքում Ծրագրի շրջանակում նախատեսված փողոցների հիմնանորոգման և արտաքին լուսավորության ցանցի արդիականացման աշխատանքների իրականացման նպատակով ստեղծել աշխատանքային խումբ՝ հետևյալ կազմով.
 - 1) աշխատանքային խմբի ղեկավար՝ Արա Մելիքջանյան – ՀՀ Շիրակի մարզպետի տեղակալ, անդամներ՝
 - 2) Լևոն Բարսեղյան – Գյումրի համայնքի ավագանու անդամ,
 - 3) Խաչատուր Խնձրցյան – ՀՀ Շիրակի մարզպետարանի աշխատակազմի (այսուհետ՝ աշխատակազմ) քաղաքաշինության վարչության տրանսպորտի և ճանապարհաշինության բաժնի պետ,
 - 4) Մկրտիչ Ասատրյան – աշխատակազմի քաղաքաշինության վարչության ճարտարապետա-շինարարական բաժնի գլխավոր մասնագետ,
 - 5) Դանիել Վարդանյան – աշխատակազմի ֆինանսական և սոցիալ-տնտեսական զարգացման վարչության ֆինանսատնտեսագիտական բաժնի պետ,
 - 6) Աննա Պետրոսյան – աշխատակազմի ֆինանսական և սոցիալ-տնտեսական զարգացման վարչության հաշվապահական հաշվառման բաժնի գլխավոր մասնագետ,
 - 7) Կնյազ Մանասյան – Գյումրու համայնքապետարանի աշխատակազմի բնակկոմունալ և շրջակա միջավայրի պահպանության բաժնի պետ,
 - 8) Սամվել Ենգոյան – Գյումրու համայնքապետարանի աշխատակազմի բնակկոմունալ և շրջակա միջավայրի պահպանության բաժնի պետի տեղակալի ժ/պ,

- 9) Արթուր Գրիգորյան - աշխատակազմի տեղական ինքնակառավարման և հանրապետական գործադիր մարմինների հարցերով վարչության պետի տեղակալ,
- 10) Համազասպ Մարտիրոսյան - աշխատակազմի քաղաքաշինության վարչության տրանսպորտի և ճանապարհաշինության բաժնի գլխավոր մասնագետ:
2. Հանձնարարել աշխատանքային խմբին՝ Ծրագրի իրագործման ողջ ընթացքում համակարգել Ծրագրի իրականացման հետ կապված բոլոր հարցերը, այդ թվում՝ Ծրագրի համար ապրանքների, աշխատանքների և ծառայությունների գնումը կազմակերպելու, կառավարելու, մոնիթորինգի ենթարկելու, գնահատելու և հաշվետվություններ կազմելու գործընթացները:
3. Սույն կարգադրության կատարման պատասխանատվությունը դնել Արա Մելիքջանյանի վրա:
4. Սույն կարգադրության կատարման հսկողությունն իրականացնում է Գյումրի համայնքի ղեկավարը:
5. Սույն կարգադրությունն ուժի մեջ է մտնում ստորագրման պահից:

2016թ. ք.Գյումրի



ԱՐԱ ՄԵԼԻՔՋԱՆՅԱՆ